

內黃縣志卷首

目錄

卷一

地理

沿革
鎮集

疆域
村庄

山川

隄堰

渡口

營屯

卷二

建置

城池
棹楔

署廨
堡寨

郵鋪
義塚

倉庾

橋梁

井泉

卷三

古蹟

陵墓

城壘

村里

臺宇

寺觀

卷四

風土

風俗

物產

卷五

田賦

里甲
驛站

戶口
雜稅

地畝

賦稅

漕運

鹽課

卷六

學校

學宮
書院

祭儀
學田

書籍

學額

社學

義學

卷七

祠祀

壇壝

祠廟

卷八

事實記

卷九

職官表

知縣
教諭

縣丞
訓導

主簿
武營

典史

卷十

科貢表 進士 舉人 貢生 例貢

卷十一

古今人物表 薦辟 農官 武勳 封贈 恩蔭 祿仕

卷十二

列傳 上 名宦 循良

卷十三

列傳 中 鄉賢 耆舊 忠義 孝悌 義行

卷十四

列傳 下 文學 隱逸 方技 流寓 方外

卷十五

列女傳

卷十六

藝文

上

制誥

書奏

記序

卷十七

藝文

下

記序

詩賦

卷十八

志餘

雜識

舊志序跋

縣志卷十四

傳下

文學

隱逸

方技

流寓

方外

經天緯地曰文通天地人之謂儒儒林文苑道原一貫而史例輒判爲兩途母亦因其性之所近與其力之所臻歟準諸四科文學兼之矣士有才德休美舉世景慕而韜光匿采肆志徜徉鴻飛冥冥弋人何算焉若夫小道可觀爲專門絕業僑居旣久則安土重遷彼遊於方之外者迹不侔也然道其所道德其所德苟有足稱得不謂一邑人物哉作列傳下卷

文學

唐 馬嘉運

張大素

張大安

沈佺期

宋 傅世隆

明 周萬金

司惟標

李一經

孫愛之

國朝 周丕顯

司九臯

黃之鉉

馬德廸

黃之珖

王凝祚

董之理

黃金

李恂

柴凝道

黃洄

張麟趾

賈森

馮自誠

列傳

馬嘉運少爲沙門後改治儒講授白鹿山中受業者千
餘人貞觀中召拜宏文館學士以孔穎達五經正義
繁蕪摘摭其疵當時諸儒服其精博後累崇賢館學
士

張大素郊國公公謹長子龍朔中厯官東臺舍人兼修
國史著書百餘篇終懷州刺史

張大安郊國公公謹次子上元中同中書門下三品章

懷太子令與劉訥言等共註范曄漢書太子廢坐貶
爲普州刺史終橫州司馬子排仕元宗時爲集賢書
院判官詔以其家所著魏書說林入院綴修所闕累
擢知圖書括訪異書使進國子司業以累免官

沈佺期字雲卿及進士第由協律郎累除給事中考功
受贓劾未究會張易之敗遂長流驩州稍遷台州錄
事參軍事入計得召見拜起居郎兼修文館直學士
既侍晏帝詔學士等舞回波佺期爲弄辭悅帝還賜
牙緋尋歷中書舍人太子少詹事開元初卒佺期詩
與宋之問齊名時人謂之沈宋中宗正月晦日幸昆

明池賦詩羣臣應制百餘篇帳殿前結綵樓命上官
昭容選一首爲新翻御製曲從臣悉集其下須臾紙
落如飛各認其名而懷之旣退唯沈宋二詩不下又
移時一紙飛墜競取而觀乃沈詩也及聞其評曰二
詩工力悉敵沈詩落句云微臣彫朽質羞覩豫章材
蓋詞氣已竭宋詩云不愁明月盡自有夜珠來猶覺
陡健沈乃伏不敢復爭而張燕公說嘗謂佺期曰沈
三兄詩須還他第一其爲大手筆所賞嘆如此佺期
弟佺交佺甯見隱逸傳

舊志曰按十二家唐詩謂沈宋工力悉敵諸作當以

近體爲最排律用韻穩妥事不傍引情無牽合尤爲
獨步誠然張延登曰佺期詩賦整麗不合大義附身
二張遠竄荒微極歷窮愁其比物連類亦有足悲者
及還不早自引謝廻波乞憐尋賜牙緋何其終始浮
沈也假令佺期識時不阿其志其於文行可謂兼之
矣余謂延登此論真雲卿之箴砭然不護細行自是
文人膏肓症如長卿伯喈安仁興公之流皆已不免
物議又何責雲卿雲卿之詩實前接四傑後開開元
大厯諸家弇州公卮言有文章九命其三爲玷缺而
佺期與焉嗟乎其果命邪非邪

宋

傅世隆祖思進始讀書爲儒考凝贈虞部員外郎世爲
邑中富家世隆以春秋三傳登科仕至駕部員外郎
知邛州事子玨見人物列傳

明

周萬金正德庚午舉人任沛縣知縣力學嗜古尤工聲
律嘗憤邑乘缺佚咨訪耆宿私爲志一帙藏之巾笥
邑令張古將修邑志謀之萬金出其橐示古乃以幣
徵就局卒業又嘗刻古文會編以訓子孫蓋前輩博
雅士也

司惟標號騰石崇禎庚午舉人幼穎異讀書目數行下
才藻奕奕早負文名又喜博覽圖史善談論爲當時
推重鄴郡趙王徽爲布衣交手書騰石廣文賜之一
時如開州韋秦輩與爲八俊友每會嘯咏風流至今
豔稱有杏花詩十首勒石爲人傳誦

李一經號匏軒學問該博筆鋒新穎爲名輩所推服後
判臨洮知耀州擢龍安府同知公事暇輒效柳州在
永東坡在黃時事退休復結精舍於城隅與邑名卿
高士時時倡和以自適

孫愛之字德元精律韻善古文一時詩銘記序大半出

其筆授太谷丞非所好也月未匝向庭松而拜曰素
大夫昔不有以丞負余謫公者乎今予匪材且負丞
矣卽解組歸去每月輝花媚時觸物興懷一一以詩
繪之名其集曰歸田

國朝

周丕顯字文謨別號東岳進人聰穎嗜學年十二童試
有聲弱冠受知邑令張上石赴署內讀書博通經史
工詞賦又能潛心理學微有奇造稱其於此道已
見分曉遠近學者胥宗師之門下士多取科貢其子
亦魁戴經而不顯僅以貢選終天性孝友有知非集

訓業書話庭訓錄等書藏於家及卒門人私謚文穆先生邑司諭後陞寶應令張增爲之傳

司九皋字野文九韶胞弟也少負文名中順治丁酉副榜貢入太學生平著作甚富臨文伸紙疾書有若宿構江左名人顧丁璫嘗過黃覽其文詞亟稱之年踰七旬考授教諭未仕而卒

黃之鉉字維靜京兆吉士曾孫童時奇警異常見稍長克自豎立通經術有丰采工文食餽名噪士林

馬德廸字仲允戶部郎習元之孫天性誠懇誦讀之外無他嗜好一時號爲書獃然則子以春秋獲傳初

受西甯教諭再補蔚縣分校山左甲午鄉試陞國子
監學正致仕生平未嘗一日廢學有問舉業訣者曰
無他謬巧讀多做多壽八十餘易簪時猶見新科制
義一卷分攤枕側兄德進字伯勉邑廩生善古文詞
兼工書法

黃之琰字衛珍歲貢生髫年下帷功苦寒暑無輟爲文
雄贍以數奇屢躋場屋居家以孝稱執親喪盡哀盡
禮旬日間鬚髮變白邑有公舉多所建明官師咸敬
禮之設絳授生徒加意曲成門下士皆一時之彥

王凝祚字周昆歲貢生生而魁偉言端行矩望之有嚴

嚴之槩及與之接則藹然可親工文食餽屢試冠軍
以明經終疑祚少失怙惟兄教是從兄歿事邱嫂尤
謹鄉黨稱之

董之理字他山號鈍菴別號五鹿居士若冠爲文出語
驚人狀貌竒偉志氣磊落竟不獲一第累舉優行以
明經終之理善古文詞有求必應晚益窮唯彈琴賦
詩酣飲終日以自適然安貧知命與物無競而善談
名理亶亶不倦聞者爲之解頤

黃金字位西號燕臺乾隆己酉科由選拔中式副榜生
資類異以神童補弟子員旋食原餽詩文書法擅絕

一時設教鄉里舉人郭清渠廣東興甯縣知縣樊
照貢生王嘉臣劉忠皆出其門其餘知名之士不可
悉數所著有醉白詩藁

李恂石廣村人幼貧苦讀乾隆五十三年中式舉人高
蹈不仕以成就人才爲務設教四十餘年門弟子登
賢書入選拔及成名者甚衆

柴凝道字聖修號竹溪幼從塾師讀勤憤異常兒家貧
爨火屢斷由是廢讀耕田輒攜書觀之鄰人見其嗜
學勸其父仍令就學造詣益精進及學院考試賴街
鄰資助得入郡庠旋食餽嘉慶五年中式舉人後授